



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

14 FEBRUARI 2022 (ISNIN)



KEMENTERIAN PERDAGANGAN DALAM NEGERI
DAN HAL EHSAN, PENGGUNA

KERATAN AKHBAR DAN MEDIA ONLINE (KPDNHEP)

14 FEBRUARI 2022 (ISNIN)

KPDNHEP akan memastikan bekalan makanan itu sentiasa cukup di pasaran

Ayam, telur kurang hanya sementara

Oleh MOHAMAD FAIZAL HASHIM

JOHOR BAHRU – Kekurangan dan gangguan bekalan barangan tertentu seperti ayam dan telur ayam adalah bersifat sementara dan berlaku di lokaliti tertentu sahaja.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Johor, Mohd. Hairul Anuar Bohro berkata, laporan mengenai kekurangan bekalan ayam dan telur ayam baru-baru ini mencetuskan situasi panik yang membawa kepada pembelian secara berlebihan.

Katanya, maklumat awal yang diperolehi mendapati, kekurangan bekalan ayam dan telur ayam berpunca daripada peningkatan kos harga makanan ayam, kos pengangkutan dan tenaga buruh ketika ini.

"Bagi mengesahkan isu ini, KPDNHEP akan meningkatkan usaha untuk memastikan semua peniaga mematuhi harga siling yang ditetapkan iaitu RM8.90 sekilogram bagi ayam, manakala harga telur ayam semua gred kekal seperti biasa.

"Pelaksanaan kawalan harga



MOHD. HAIRUL melihat harga ayam pada Program Jualan Keluarga Malaysia di Seri Alam, Pasir Gudang semalam.

bagi kedua-dua bahan mentah ini bermula 5 Februari hingga 5 Jun depan.

"Kita berharap peniaga dapat memberi kerjasama bagi memastikan bekalan keperluan ma-

kanan itu sentiasa mencukupi di pasaran," katanya kepada pemberita selepas menghadiri Program Jualan Keluarga Malaysia di Seri Alam di sini semalam.

Mohd. Hairul Anuar berkata,

pihaknya akan menjalankan pemantauan dan pemeriksaan secara berkala bagi memastikan pematuhan harga tersebut dapat dipatuhi.

Ujarnya, pihak penguat kuasa



Selain pembeli, peniaga juga boleh membuat aduan sekiranya pembekal mereka mengenakan bayaran yang tinggi."

KPDNHEP Johor telah menjalankan pemeriksaan ke atas 9,540 premis merangkumi 8,182 peruncit, 1,208 pemborong dan 51 pengilang sejak awal tahun hingga hari ini.

"Daripada jumlah itu, seramai 229 individu telah dikenakan kompaun dengan jumlah keseluruhan RM37,000 bagi pelbagai kesalahan.

"Tindakan kompaun itu dikenakan mengikut Akta Kawalan Harga dan Anti Pencatutan 2011, Akta Kawalan Bekalan 1961, Akta Perlindungan Pengguna 1999 dan Akta Perihal Dagangan 2011," ujarnya.

Tambahnya, selain pembeli, peniaga juga boleh membuat aduan sekiranya pembekal mereka mengenakan bayaran yang tinggi.



KEMENTERIAN PERDAGANGAN DALAM NEGERI
DAN HAL EKWAL PENGGUNA

**KERATAN AKHBAR
DAN MEDIA ONLINE
(AGENSI KPDNHEP)**

14 FEBRUARI 2022 (ISNIN)

Oleh Hafidzul Hilmi
Mohd Noor
hafidzul@hmetro.com.my

Kuala Lumpur

Bekalan telur ayam yang terhad di sekitar Lembah Klang menyebabkan berlaku kenaikan harga bahan mentah itu.

Tinjauan di pasar, pasar raya dan kedai runcit sekitar Lembah Klang mendapati kebanyakan peniaga menjual harga telur gred AA dengan harga RM13.50 sehingga RM13.90 sepapan.

Berlaku kenaikan harga berbanding dahulu yang dijual sekitar RM12.50 sepapan dan turut dikesan berlaku kenaikan bagi telur ayam gred B dan C.

Peniaga telur di Pasar Seksyen 6, Shah Alam, Norliza Shafie, 50, berkata, bekalan telur ayam sangat terhad dan berlaku kenaikan harga kebelakangan ini.

"Pembekal hanya membekal telur kira-kira separuh daripada pesanan dibuat, contohnya kita memesan 100 papan telur ayam, namun pembekal hanya membekalkan 50 papan.

"Pembekal akan memaklumkan telur ayam amat terhad dan tiada. Saya hanya menjual telur ayam gred AA sahaja dan ia amat men-

Gred AA **RM13.90** sepapan

Bekalan telur ayam amat terhad, peniaga hanya dapat separuh daripada pesanan



NORLIZA menyusun telur yang dijualnya di Pasar Seksyen 6, Shah Alam. - Gambar NSTP/HAIRUL ANUAR RAHIM

dapat sambutan," katanya ketika ditemui, semalam.

Sementara itu, pengguna, Nur Hatimah Yusof, 46, kecewa kerana bekalan telur ayam sukar didapati.

"Memang susah, ini hari kedua saya di sini dan terpaksa datang pagi kerana risau kehabisan stok telur ayam.

"Kebanyakan tempat yang saya pergi biasanya memang tidak ada stok kecuali terpaksa ke pasar harian dan membeli telur ayam gred AA," katanya.

Terdahulu, Suruhanjaya Persaingan Malaysia (MyCC) menubuhkan satu pasukan khas untuk menyoal isu persaingan dalam industri berkaitan ayam dan telur ayam.

Menurut agensi itu, pihaknya akan mengambil tindakan ke atas sebarang tindakan sabotaj ekonomi terhadap rakyat melalui elemen kartel atau penyalahgunaan kuasa dominan serta monopoli dalam industri ayam, serta telur ayam di negara ini.

Skrip sama peniaga setiap kali menjelang musim perayaan

SAUDARA PENGARANG,

SEPINGGAN nasi arab dengan lauk ayam kini berharga RM15. Terkejut saya mendengarnya ketika menunjukkan juadah yang saya ambil kepada peniaga di kaki lima sebuah masjid berdekatan sebuah universiti terkenal di ibu negara.

Bila ditanya mengapa naik harga sehingga RM5, dia menjawab ayam sudah mahal dan akan diturunkan jika ternakan itu sudah murah.

Lihatlah kepada keadaan yang sedang berlaku sekarang. Harga kesemua barangan sudah naik sehingga peniaga yang tidak menyewa tapak pun berani mengambil kesempatan.

Seharusnya Suruhanjaya Persaingan Malaysia (MyCC) mengambil tindakan tegas kepada mana-mana persatuan yang memulakan peperangan harga bagi mendesak kerajaan memenuhi kehendak mereka.

Tindakan mereka yang dilihat sengaja menimbulkan suasana panik dengan mengatakan bekalan ayam dan telur akan berkurangan menjelang Ramadan tidak lain hanyalah untuk menguntungkan mereka.

Ia terbukti apabila kerajaan bersetuju untuk memberi subsidi berjumlah lebih setengah bilion bagi mengekalkan bekalan di pasaran tidak sampai lima hari mereka mengeluarkan kenyataan berbaur ugutan.

Pengguna di mana-mana akan sentiasa menjadi mangsa kapitalis. Memang itu sistem yang digunakan pakai sejak sekian lama. Peniaga 'jerung' tidak pernah merasa rugi sehingga terpaksa gulung tikar. Yang tertekan adalah pengguna.

Apa pula wayang yang akan dimainkan selepas semua subsidi ini telah habis menjelang musim perayaan.

Sudah tentu skrip sama akan ditulis dan memanggil media untuk mengeluarkan kenyataan bahawa bekalan telur dan ayam akan kehabisan kerana kos dedak mahal.

MAKAN DALAM
Kuala Lumpur



PIHAK berkuasa perlu terus melakukan pemantauan harga ayam yang dijual peniaga agar sentiasa mematuhi harga siling.

SSM untuk penjawat awam sudah tidak relevan

KOTA BHARU – Kongres Kesatuan Pekerja-Pekerja Dalam Perkhidmatan Awam Malaysia (CUEPACS) menggesa kerajaan meneliti semula tuntutan di bawah Sistem Saraan Malaysia (SSM) yang disifatkan tidak relevan.

Presidennya, Datuk Adnan Mat, berkata pendapatan penjawat awam dilihat masih di bawah garis kemiskinan dan tidak mampu untuk dicapai menjelang sasaran menjadikan negara berpendapatan tinggi 2025 di bawah Rancangan Malaysia Ke-12 (RMK-12).

Katanya, Perdana Menteri, Datuk Seri Ismail Sabri Yaakob telah melancarkan program negara

berpendapatan tinggi menjelang 2025 dengan pendapatan isi rumah RM10,000 pada 27 November lalu, namun sistem saraan terkini masih jauh di belakang.

"Kita mencadangkan sistem saraan baharu dapat diwujudkan bagi menggantikan SSM dengan meletakkan sasaran gaji minimum RM1,800 kerana jika dicampur dengan semua limbuan akan menjadikan angkanya RM2,450 iaitu sudah melepasi garis kemiskinan RM2,208.

"Sekiranya sistem saraan ini tidak diwujudkan, unjuran sukar dibuat kerana kenaikan gaji tahunan paling minimum adalah RM80 dan hanya bertambah RM240 dalam tempoh tiga tahun

lagi. Jumlah itu masih rendah di bawah garis kemiskinan," katanya.


Beliau berkata demikian pada sidang akhbar selepas Majlis Makan Malam Bersama Kepemimpinan CUEPACS Kelantan di Pantai Cahaya Bulan Resort kelmarin.

Ujar beliau, pihaknya juga masih berharap agar kerajaan menunaikan sebahagian tuntutan CUEPACS terutamanya kenaikan gaji berkuat kuasa 1 Julai 2018 dapat dilaksanakan.

"Tuntutan lain seperti gaji tambahan kepada guru gred DG56 dan tambahan kadar Bantuan Sara Hidup (Cola) RM50 sebulan bagi kumpulan pelaksana dapat diperluas kepada penjawat awam di Sabah dan Sarawak," katanya.



ADNAN (tengah) menyampalkan cenderahati kepada ahli jawatankuasa CUEPACS yang bersara di Pantai Cahaya Bulan Resort kelmarin.

 Senarai Harga Barang Keperluan	• Ayam RM8.90	• Telur Gred A RM12.45	• Gula Pasir RM2.85	• Cili Merah RM9.59
	• Daging Lembu Tempatan RM42.99	• Ikan Kembung RM13.99	• Bawang Besar Holland RM2.39	• Kubis Bulat Tempatan RM2.79
	• Daging Lembu Import RM28	• Minyak Masak RM6.70	• Bawang Putih RM5.50	• Tepung Gandum RM2.20
*Harga (RM/kg) Sumber: KPDNHEP				